

四

診

抉

微

烏程林子憲百著四診抉微成郵寄
問序于余余不知醫何以序林子之
書爲雖然余固不知醫余竊久知林
子之志於醫蓋林子爲余桐岡徐夫
子之族甥昔年侍側夫子每向余嘖
嘖道林子之醫少卽專精篤嗜博極

羣書寒暑不輟且遨遊四方遇岐黃
宿碩名流虛懷咨詢不棄一得迨業
成行世遠近敦請者戶外之屨恒滿
林子志存濟世不計酬報貴賤貧富
惟一體視每遇疾病危急之家諸醫
盈座唯想向束手無策或且唯唯諾

諾隨人可否林子獨憑几出定見製
方病者立起死回生以故夫子視學
中州日延林子至署一時當路公卿
爭聘無虛日藝術之神吾里士大夫
迄今能道之噫林子之醫其學業彰
彰若是其所著述不卽可決其信今

而傳後哉故不敢以不知賢辭而爲
之序固始柯喬年拜手題

四診抉微序

自乾坤定位而大生廣生庶類之疵癘天札者不獲盡免於天高地厚之內聖人洗心藏密本吉凶同患之情以補造化所不逮而著爲醫炎帝親嘗百艸識寒熱溫涼之性軒岐特闡五藏六府十二經絡與夫七情六欲陰陽虛實表裏等因而立治之之法由是張劉朱李諸賢各師其意神明于規矩中而論症

論方等書大脩顧病在臟腑從外而測乎內
必望其色審其音辨其症詳其脈而後有隔
垣之見則四診實鑒之要也古人論脉雖有
端書尚多聚訟至望聞問每略焉而勿詳卽
或載一二遺論大抵僅得夫淺者粗者而不
能晰其精故世之業醫者時有捍格之嘆余
友林子憲百稽古有獲而游藝于醫挾入于
神四方之全活者甚衆爰體天地好生之德

而擴民胞物與之懷遍搜昔賢鈔義斷以心
裁輯而成帙名曰四診抉微理窺其奧法極
其周直如明鏡之鑑物無一不照學者讀是
書而凡疑難棘手之症皆得藉其闡發效其
施治了然于心目之間濟世之仁溥矣則得
以宣聖化而助元功者其殆與素難後先輝
映哉戊水同學弟陸樹珠頓首拜題

嘗念陰陽律曆禮樂兵刑關忠孝大者無出
于醫故張子和著書名曰儒門事親以君父
有疾不審擇而託之庸劣之手與服許世子
之藥等耳安得稱忠孝其時義亦大矣哉論
四序遷流則有溫肅寒燠之殊語八方風土
則有剛柔厚薄之異究七情六欲則有委曲
纏染之由而于其間量天時度地氣揣人心
贊化調元功同良相者殊非小補然要之審

陰陽之虛實別傷感之重輕大約不離乎四
診者近是此觀色察言辨症視息之不可不
詳切而著明也今余友林子憲百系傳八閩
流寓三吳家戍上者五葉於茲早歲穎異遇
人已繼先人儒術淹貫經史好古能文特以
迂踈寡效緣是學闡黃岐理研靈素歷有年
所以故疏方濟世行藥活人殆指不勝屈而
其令嗣右王亦箕裘克紹仁術大行將見杏

林春遍董奉不得專美于前橘井雲生蘇耽
亦當讓能于後較之時下之稍通本草略涉
方經輒試刀圭肆行無忌者余直當以林子
喬梓爲吳下之李張浙中之倉扁豈虛譽哉
因之憲百于應酬之暇效涪翁著述博閱羣
書廣搜衆說參互考訂纂舊增新明先賢所
欲明發前人所未發勸成一書公諸同好俾
世之行道者于言色之察症脉之辨臟腑經

絡之間洞如觀火非徒以曉之鄉邑亦將以
昭示遐荒詎僅以訓詔兒孫自能以嘉惠後
學博施濟衆裨益良多則是書之足以垂世
而行遠當以余言爲左券因不揣謏陋僭弁
其簡端云瑤邨第顧耿光書於玉映堂中

四診抉微目錄

卷之一

望診

察形氣

察神氣存亡

察五色

合色脉診病新久

察五官

部分內應五藏四言訣

五色見於面審死生訣

五色兼見面部訣

五色外見面部審虛實生死訣

赤色主病吉凶訣
青色主病吉凶訣

黃色主病吉凶訣 白色主病吉凶訣

黑色主病吉凶訣 面目五色雜見生死訣

婦人女子活法全在望形察色論

察目部 察鼻部

察唇部 察口部

察耳部

卷之二

察舌部

白胎舌 黃胎舌

黑胎舌 灰色舌

紅色舌

紫色舌

藍色舌

微青色舌

妊娠傷寒觀面色舌色法

妊娠辨分男女外驗有四

女人受孕內外皆有徵驗者七

驗胎貴賤壽夭法

虛里跳動

診血脉

診毛髮

診額

診日月角

診眉

診項

診爪甲

診齒

診詐病

診五藏絕證

肝藏

心藏

脾藏

肺藏

腎藏

內經死證

六府絕證

診陰陽絕證

六經死證

補遺諸死證

卷之三

附兒科望診

病機

入門審候歌

觀面部五色歌

審虎口三關法

三關脉紋主病歌

手指脉紋八段錦

虎口三關脉紋圖

小兒死候歌

八段錦歌

辨虎口紋十三形

面部形色諸證之圖

玉枕腧穴之圖

肢節見於面部之圖

五藏六府見於面部之圖

心鑑按眉端法

審小兒六證

經證考

聞診

聽音論

聲審陰陽清濁新久

失守變動五藏之應 六府之應

聲審寒熱虛實 藏診

診內外 診諸痛

診壞證 診諸風

診神志 診神體上下諸證

診息

問診

人品起居

嗜欲苦樂

十問篇

總論一條

一問寒熱

二問汗

三問頭身

四問便

五問飲食

六問胸

七問轉

八問渴

九問脉色

十從氣味

明哲自治

卷之四

原脉體用

見後附餘

脉取寸口之義

釋寸口氣口脉口

析寸關尺

三部九候

附十二經動脉

六部藏府分屬定位存疑

見後附餘

下指法

下指有輕重

診視大法

七診

脉審上下來去

推求上下內外察病法

因形氣以定診

脉審陰陽順逆

脉有五逆

四塞脉

殘賊脉

此是五卷起

厥脉

損至脉法

仲景辨脉體狀

婦人妊娠診分男女脉法

預辨男女陰陽等法訣

卷之六

切診二十九道脉析脉體象主病

提綱挈領說

脉分綱目說

浮

沉

遲

數

滑

澀

虛

實

長

短

洪

微

卷之七

切診

細
脈
小
濡
弱
緊
緩
弦

芤
革
牢
伏
動
促

結
代
疾
散
清
濁

卷之八

切診

病脈宜忌

運氣要畧
節脈鑑別
等書

六氣之脈應節候之診

五運六氣圖說
總論

平運總圖

司天在泉正化對化之圖

每年主氣客氣之圖

子午歲氣熱化之圖

丑未歲氣濕化之圖

寅申歲氣火化之圖

卯酉歲氣燥化之圖

辰戌歲氣寒化之圖

巳亥歲氣風化之圖

每年交六氣時節目圖

先天八卦後天八卦九宮分野總圖

九宮八風圖

運氣十二注

六氣司天所主天府詩

六氣司天所主民病詩

主運詩

客運詩

司天在泉詩

主氣詩

客氣詩

二十四氣七十二候生旺可推運氣盛衰章

醫鏡附錄目錄

原脉體用

存疑

訂人迎氣口分左右舉合之失

六綱領對待主治

浮脉主裏須知

沉脉主表須知

遲脉主熱須知

數脉主寒須知

數脉治有難易

滑脉主血畜須知

瀉脉主氣滯須知

緩脉主熱須知

代脉生死之辨

代脉有二須知

天稟似代脉

岐黃素問
下篇素問
四時盛衰
論云
形氣
神氣
中氣
外氣
氣血
氣不
足氣
以
形氣
無
形氣
有
形氣
不足
生
形氣
無
形氣
有

四診抉微卷之一

烏程林之翰憲百父別字纂述

望診

察形氣

素問玉機真藏論曰凡治病察其形氣色澤脈之盛衰病之新故乃治之無後其時形氣相得形盛氣盛氣謂之可治色澤以浮明也謂之易已形氣相失謂之難治形盛氣虛色天也晦惡不澤枯也謂之難已素問三部九候云形盛脈細少氣不足以息者危形瘦脈大胸中多氣者死形氣相得者生形肉已脫

標本為
 主也上
 下兩節
 當互求
 其義新
 說二字
 虛實存
 無意為
 多忽視
 殊不知
 邪實證
 居多可
 誤老氣
 病原
 看居至
 可補此
 聖人示
 大察虛

九候雖調猶死

靈樞經曰形氣不足病氣有餘是邪勝也急瀉之形
 氣有餘病氣不足急補之形氣不足病氣不足此
 陰陽俱不足也不可刺之刺之則重不足重不足
 則陰陽俱竭血氣皆盡五藏空虛老者絕滅壯者
 不復矣形氣有餘病氣有餘此陰陽俱有餘也急
 瀉其邪調其虛實

慎菴按邪盛正虛當瀉其邪以扶正氣治若輕緩
 遷延時日使病邪日熾真元日削病必不治今人
 多犯此經文下一急字最有關係讀者須着意辨

此定
然乎
母急
此有
初然
未
之三
去

輕者通

東垣曰病來潮作之時精神增添者是爲病氣有餘
若精神困乏是爲病氣不足不問形氣有餘不足
只取病氣有餘不足也夫形氣者形盛爲有餘消
瘦爲不足察口鼻中氣勞役如故爲氣有餘若喘
息氣促氣短或不足以息爲不足當瀉當補全不
在此只在病勢潮作之時精神困弱語言無力懶
語者急補之

慎菴按東垣言難如此然予嘗見傷寒熱病熱甚
者則熱傷氣亦必精神困倦語言無力問之不答

此大實有羸狀也。然必有大實熱之脈證呈見。方是實證。東垣所云亦必有虛寒之證。脈可參。故審形氣又當以脈證合觀。方得真實病情也。

凡人之大體爲形。形之所克者氣。形勝氣者天。肥白氣不

克。氣勝形者壽。修長黑
色有神

肥人多中風。以形厚氣虛。難以周流。而多鬱滯。生痰痰壅。氣塞成火。而多暴厥也。

瘦人陰虛。血液衰少。相火易亢。故多勞嗽。

形體克大。而皮膚寬緩者。壽。形體克大。而皮膚緊急者。夭。

形濇而脈滑形大脈小形小脈大形長脈短形短
脈長形滑脈澁肥人脈細小輕虛如絲羸人脈躁
俱凶

血實氣虛則肥氣實血虛則瘦肥者能寒不能熱
瘦者能熱不能寒

美髯而長至胸陽明血氣盈髯少血氣弱不足則
無髯美髯者太陽多血

坐而下一脚者腰痛也

行遲者痺也或表強或腰脚痛或麻木風疾裏實
護腹如懷卵物者心痛也

持脉病人欠者無病也

內經云陽引而上陰引而下則欠陰陽相引故曰無
病病亦卽愈

慎菴按此只可指初病輕淺者言若久病虛脫呼
欠連綿不已者最爲危候服藥後欠漸止者生進
者死不可與此同日語也

息搖肩者心中堅息引胸中上氣者欬息張口短氣
者肺痿吐沫

掌中寒者腹中寒掌中熱者陰不足虛火盛
診時病人叉手捫心閉目不言必心虛怔忡

不倉廩不藏者門戶不要也木泉不止者膀胱不藏也

頭者精明之府頭傾視深精神將奪

脊者胸中之府背曲肩隨府將壞矣

腰者腎之府轉搖不能腎將憊矣

眼胞腫十指頭微腫者必久欬

察神氣存亡

經曰得神者昌失神者亡善乎神之爲義此死生之本不可不察也以脉言之則脉貴有神脉法曰脉中有力卽爲有神夫有力者非强健之謂謂中和

之力也大抵有力中不失和緩柔軟中不失有力
此方是脉中之神若其不及卽微弱脫絕之無力
也若其太過卽弦強真藏之有力也二者均屬無
神皆危兆也以形證言之則目光精彩言語清曉
神思不亂肌肉不削氣息如常大小便不脫若此
者雖其脉有可疑尚無足慮以其形之神在也若
目暗睛迷形羸色敗喘急異常泄瀉不已或通身
大肉已脫或兩手尋衣摸牀或無邪而言語失倫
或無病而虛空見鬼或病脹滿而補瀉皆不可施
或病寒熱而溫涼皆不可用或忽然暴病卽沉迷

煩躁昏不知人或一時卒倒卽眼閉口開手撒遺尿若此者雖其脈無凶候必死無疑以其形之神去也。再以治法言之。凡藥食入胃所以能勝邪者必須胃氣施布藥力始能溫吐汗下以逐其邪若邪氣勝胃氣竭者湯藥縱下胃氣不能施化雖有神丹其將奈之何哉。所以有用寒不寒用熱不熱者有發其汗而表不應行其滯而裏不應者有虛不受補實不可攻者有藥食不能下咽或下咽卽嘔者若此者呼之不應遣之不動此以藏氣元氣盡去無可得而使也是又在脈證之外亦死無疑

經云六
兩側五
兩側五
兩側五
兩側五
兩側五
兩側五
兩側五
兩側五
兩側五
兩側五

者雖然脉證之神若盡乎此然有脉重證輕而知其可生者有脉輕證重而知其必死者此取證不取脉也有證重脉輕而必其可生者有證輕脉重而謂其必死者此取脉不取證也取舍疑似之間自有一種玄妙也 傳忠錄

察五色

經曰能合色脉可以萬全精明五色者氣之華也靈樞五色篇曰其色燦以明沉天者為甚其色上行者病益甚濁氣方升而色日增日增者病日重其色下行如雲散者病方已下行者滯氣散而色漸退漸退者病將已五色各有藏部有

經文於
 中夾之
 義也從
 外走裏
 外邪傳
 裏也從
 內走外
 內邪連
 外也此
 等調頭
 看乎其
 人

外部有內部也。色從外部走內部者，其病從外走
 內。其色從內走外者，其病從內走外。五色各見其
 部，察其浮沉以知淺深，察其澤夭以知成敗，察其
 搏散以知遠近，視色上下以知病處。脈聚也。搏，搏也。

合色脉診病新久

素問脉要精微論曰：徵其脉小色不奪者，新病也；徵
 其脉不奪其色奪者，此久病也；徵其脉與五色俱
 奪者，此久病也；徵其脉與五色俱不奪者，新病也。
 張路玉曰：凡暴感客邪之症，不妨昏濁壅滯，病久
 氣虛，祇宜瘦削清癯。若病邪方銳而清白少神虛

羸久困而嫵媚鮮澤咸非正色。五色之中青黑黯
慘。無論病之新久。總屬陽氣不振。惟黃色見於面
目。而不至索澤者。皆爲向愈之候。

色脉之陰陽。陽舒而陰慘也。色清而明。病在陽分。色
濁而暗。病在陰分。

張三錫曰。五藏六府之精華。上彰於明堂。而藏府有
偏勝盈虛。若色若脉。亦必隨而應之。但當求其有
神。雖困無害。神者色中光澤明亮是也。脉有胃氣
同一理也。

丹溪曰。肥人濕多。瘦人火多。白者肺氣虛。黑者腎氣

足形色既殊。藏府亦異。外症雖同。治法迥別。

靈樞邪氣藏府病形篇曰。夫色脉與尺脉之相應也。如桴鼓影響之相應也。不得相失也。此亦木末根葉之出候也。故根死則葉枯矣。色脉形肉不得相失。色青者其脉弦。赤者其脉鉤。黃者其脉代。白者其脉毛。黑者其脉石。其色見而不得其脉。反得其相勝之脉。則死矣。得其相生之脉。則病已矣。

察五官

靈樞五閱五使篇曰。鼻者肺之官也。目者肝之官也。口唇者脾之官也。舌者心之官也。耳者腎之官也。

故肺病喘息鼻張肝病者背青脾病者唇黃心病
老舌卷短額赤腎病者額與顏黑

部分內應五藏四言訣

此即五色篇經文彙纂
編爲歌訣以便記誦

五藏六府各有部分額主闕庭上屬咽喉關循鼻端
五藏之應內背按鼻下至承漿屬於六府表裏各
別自額下頰肩背所主手之部分牙車下頤屬股
膝脛部分在足藏府色見一一可徵庭者首而闕
上咽喉關中者肺下極爲心直下者肝肝左爲膽
肝下屬脾方上者胃中央大腸挾大腸者北方之
腎當腎者脊而王以上則爲小腸而主以下膀胱

子處更有肢節還須詳察。額應乎肩。額後爲臂。臂下者手目。內臂上屬於膺乳。挾繩頰之外而上爲應乎背。循牙車下爲股之應。中央者膝。膝下爲脛。當脛下者應在於足。巨分者股。口旁大紋巨屈下骨。曲膝膑骨也部分已精。須合色。脉五色外見爲氣之華。白當肺。辛赤當心。苦青當肝。酸黃當脾。甘黑當腎。鹹白則當皮。赤則當脉。青則當筋。黃則當肉。黑則當骨。五藏之色皆須端滿。如有別鄉非時之過。其色上銳首空上向下銳下向左右如法。凡邪隨色見各有所向而尖銳之處卽其乘處所。

進之方。故上銳者。以首面正氣之空虛。而邪即乘之上向也。左右上下皆同此法。

朱丹溪曰。容色所見。左右上下各有其部。脉息所動。寸關尺皆有其位。左頰者肝之部。以合左手關位。肝膽之分。應於風木。爲初之氣。額爲心之部。以合於左手寸口。心與小腸之分。應於君火。爲二之氣。鼻爲脾之部。合於右手關脉。脾胃之分。應於濕土。爲四之氣。右頰者肺之部。合於右手寸口。肺與大腸之分。應於燥金。爲五之氣。頤爲腎之部。以合於左手尺中。腎與膀胱之分。應於寒水。爲終之氣。

至於相火爲三之氣。應於右手命門三焦之少也。若夫陰陽五行相生相勝之理。當以合之氣。脉而推之也。

按此所言部。與靈樞經異。然今人論部。自從此故備之。

五色見於面審生死訣

脉要精微論曰。赤欲如帛裹朱。不欲如赭。白欲如鵝羽。不欲如鹽。青欲如蒼璧之澤。不欲如藍。黃欲如羅裏雄黃。不欲如黃土。黑欲如重漆色。不欲如地蒼。

五藏生成篇曰。生於心如以緇裹朱。生於肺如以緇

裏紅。生於肝。如以縞裏紺。深青也。生於脾。如以縞裏白。赤色。生於腎。如以縞裏紫。此五藏所生之外榮也。

慎菴按縞素絹也。裏以朱紅紺黃紫之色於內。其光澤茂潤輝映於外。猶血之氣色由肌肉內而透見於外。有神氣之榮澤。故為不也。總之審視面色之大法。喜鮮明潤澤而惡暗晦沉澁枯澀不明也。

又曰青如翠羽者生。赤如雞冠者生。黃如蟹腹者生。白如豕膏者生。黑如烏羽者生。此五色之見生也。以其鮮明潤澤也。

又曰五藏之氣色。見青如草滋者死。黃如枳實者死。黑如煤炰者死。赤如衄血者死。白如枯骨者死。凡

五色之見死也。

謂其枯槁無神氣也。

潘頌甫曰。夫氣由藏發。色隨氣華。如青黃赤白黑者。色也。如鵞羽蒼壁翠羽雞冠等類。或有鮮明外。或或有光潤內。含者氣也。氣至而後色彰。故曰欲曰生。若如赭鹽黃土。滋枳實等類。或晦暗不澤。或悴槁不榮。敗色已呈。氣於何有。故曰不欲且曰死。由此觀之。則色與氣不可須臾離也。然而外露者。不如內含。內含則氣藏。外露則氣泄。亦猶脉之弦。鉤。毛。石。欲其微不欲其甚。如經云。以縞裹者。正取五色之微見。方是五藏之外榮。否則過於彰露。與

弦鈎毛石之獨見而無胃氣名曰真藏者何以異乎。

五色兼見面部訣

風則面青燥則面枯火則面赤濕則面黃寒則面黑
虛則面白面黑陰寒面赤陽熱青黑兼見爲風爲
寒爲痛相值黃白兼見爲虛爲氣再者爲濕青白
兼見爲虛爲風爲痛三者

五色外見而部審虛實生死訣

靈樞經曰諸陽之會皆在於面故面鏡屬諸陽
中藏經曰胃熱則面赤如醉人

慎菴按此。乃是陽明胃經實熱之證。方有此候。然有在經在府之分。外候再見身蒸熱汗大。世曰大渴鼻燥唇乾。齒無津液。脈必洪大而長。或浮緩或浮洪而數。此在經熱邪。當用白虎湯治之。○若面熱而赤甚。短氣腹滿而喘。潮熱手足濇然汗出。兼見痞滿燥實。堅拒按之證。脈不浮而反沉實。或沉數。此熱結在中。爲陽明腑證。當下之。看熱邪淺深。三承氣湯選用可也。然胃中虛熱而亦蒸赤。第赤與熱甚微。或隱或見。不若前經府之實熱。常赤不減。并無外證之可察爲異耳。卽外有身熱亦微。

不若前實證之炎歟也。脈浮濡而短弱。按之不鼓。指四君六君選用治之。凡一切雜證虛熱面赤。亦必用此消息之。自能無悞。觀面赤一證。有表裏虛實。戴陽上下寒熱之不同。不可不細爲深察而明辨也。

寒鬱面赤

金匱直解云。心王南方屬火而色赤。赤而爲熱。人所易知。有寒鬱面赤者。經云太陽司天寒淫所勝。民病面赤。治以熱劑。

陽寒論云。設面色緣緣正赤者。陽氣怫鬱在表。不得

乃陽氣
 蒸於於
 而散
 故錄之
 而赤也
 所謂經
 時不赤
 有時忽
 赤者有
 所因而
 經之
 我老

越當解之。薰之。若發汗不徹。不足言陽氣拂鬱。不
 得越當汗。不汗其人躁煩。不知痛處。

慎菴按此乃感寒邪重。初鬱在表。而先見面赤。按
 之必冷。以寒邪外束。衛陽亦鬱。未能即熱。故也。久
 之從陽而化。身熱面亦熱矣。有如隆冬。衝風而行。
 面如刀割。初入室時。按其面冷似冰。此即陽為寒
 鬱之徵也。稍定。陽和一轉。而反發熱。同一埋也。當
 此際須靜候。緩治。勿妄投劑。始鬱面赤。身未熱時。
 宜細審脈證。勿誤作虛治。然亦不難辨也。虛證面
 赤。必久病方見。不若實證一起便見也。當以麻黃

湯發之。若發汗不徹而躁煩。桂枝加葛根。

上熱下寒而赤而光。下熱上寒而赤而鬱。

陰滯也。

慎菴按醫通云。熱發於上。陽中之陽邪也。熱發於下。陰中之陽邪也。寒起於上。陽中之陰邪也。寒起於下。陰中之陰邪也。脉經云。陽乘陰者。腰已下至足熱。腰已上寒。梔子豉湯吐以升之。陰氣上爭。心腹滿者死。陰乘陽者。腰已上至頭熱。腰已下寒。桂苓丸利以導之。陽氣上爭得汗者生。若雜證上熱下寒。既濟湯兼大便秘。既濟解毒湯。火不歸源。八味丸上寒下熱。五苓散送滋腎丸。虛陽下陷者加。

減八味丸

裏寒外熱而赤戴陽

陶節菴曰有患身熱頭疼全無不煩便作燥渴面赤
飲水不得入口庸醫不識呼爲熱證而用涼藥誤
死者多矣殊不知元氣虛弱是無根虛火泛上名
曰戴陽症以益元湯治之

益元湯中用黃連
知母尚有河商

慎菴按有一等稟賦陰虛榮之酒色過度平居或
遇微勞或行走急速或飲食過熱面即發赤戴陽
戴陽者謂陽氣戴於首面也凡若此者皆因根基
淺露腎氣不固陽易升上故也一遇外感身熱頭

疼惡風寒面卽發熱治者不可大發其表以致喘
汗不休變證蜂起病必加甚或致不瘳當用黃芪
建中湯加丹皮或玉屏風散合桂枝湯參蘇飲等
方審證輕重選用先哲有云虛人感冒不任發散
者用補中益氣湯加羌活防風治之無悞予常用
逍遙散以代之累效此輔正驅邪之正法前人言
養正邪自除正指此等證候而言未可概執此言
以泛治他證也一再按以上數方內皆用耆朮然
宜生用不必製炒或問其義何居曰觀諸家本草
言人皆云有汗能止無汗能發不知者以爲既能

正又何能發。殊不知生宜熟補。此用藥之準則。又何疑焉。經云。辛甘發散爲陽。二藥味兼辛甘。生用亦能助陽升散。然終是甘勝於辛。其力緩。故前賢立方於耆朮二味中。必配以升浮辛散風藥一二品。由中達外。宣發衛陽。以解膚腠之虛邪。邪隨藥散。正亦無傷。豈不兩得。若專用發表之劑。不顧元氣之虛邪。氣雖去。真氣亦脫。雖竭力圖救。亦難爲力。可不戒慎。此專爲虛人感冒當表者而言。若實證當表。自有三陽表證可察。隨經用藥解散。不必顧慮其虛。又未可與此例同日而語也。因論前方。

用藥之義故附見於此并質寓內高賢

素問刺熱篇曰肝熱病左頰先赤肺熱病右頰先赤
心熱病者顏先赤脾熱病者鼻先赤腎熱病者兩
頤先赤

陳月坡曰環目鼻而青而兩頰微紅者外畏寒內有
熱筋骨酸疼也肌肉之內火邪抽掣而疼也

又曰炎暑令行厚被蓋臥而微紅汗出口不渴者
虛寒爲木而熱爲假象也

張路玉曰赤屬心主三焦深赤色堅素稟多火也赤
而咽堅營血之克微赤而鮮氣虛有火赤而紫澤

血虛火旺。赤爲火炎之色。祇慮津枯血竭。亦無虛寒之患。大抵火形之人。從未有肥盛多濕者。卽有痰嗽。亦燥氣耳。又曰。面赤多熱。而有表裏虛實之殊。午後面赤爲陰火。兩顴赤色如裝。爲陰火亢極。雖愈必死。

脉鑑云。兩顴時赤。虛火上炎。骨蒸勞瘵。鬼疰。傳屍。陰火炎。頰赤如桃花。名桃花疰。

此條勞瘵證中。方有此候。證在不治。

喬岳云。心經絕者。虛陽上發。面赤如脂。不久居也。

王叔和云。面赤如粧。不久居。脂與粧同一訓。義久病虛勞。將壞之候。不治。與上戴陽症不同。戴陽面

赤猶可治也

經云赤見兩顴大如拇指病雖小愈必將卒死。此指暴病者而言而

肺病見赤心火刑金證爲難治

準頭印堂有赤氣枯天者死明潤者生

赤而黃赤而青爲相生則吉赤而黑爲相尅則凶
補遺 見脉經

額上赤青唇帶白中風之疾恐難釋

赤透於目窠下婦人產內定遭刑。孕婦目下赤色似虫形必患產

年壽張堂橫絳氣須知疝氣與腸疝
蘭臺庭畔有紅絲定是遺精曰濁人
孕婦準頭若發火產中之厄必難逃
妊娠滿面常青色雙生之喜可預決

青色主病吉凶

肝王東方屬木色青風寒與痛三者主病怒亦色青
驚色相同青而黑者青色兼紅相生則喜青而枯
白相尅則凶如脾病見青色爲木來尅土難治
青爲尅賊之色諸病皆忌單見脾土部分尤忌單
見其證必凶

脉經曰病人及健人面忽如馬肝色望之如青近之如黑者死。一曰肝腎絕也。

黃色主病吉凶訣

脾王中央屬土而色黃。黃爲濕。爲熱。爲虛。而有明暗之分。挾熱則色鮮明。挾濕則色昏滯。女勞酒疸則色昏黑。

張路玉曰黃屬脾胃。若黃而肥盛胃中有痰濕也。黃而枯癯胃中有火也。黃而色淡胃本虛也。黃而色暗津液久耗也。其虛實寒熱之機又當以飲食便溺消息之。

張三錫曰黃白無澤脾肺氣虛淡黃脾胃傷四肢痿弱腹脹

準頭印堂年壽有黃氣明潤者病退及目驗黃皆爲欲愈若黃而白黃而紅相生則吉若黃而青相尅則凶長夏見黃則吉若黃青則凶也

脉經曰病人面無精光若土色不受飲食者四日死陳月坡曰面色黃者此久病也面黃唇白病必虛瀉面黃唇紅脾之火也面黃能食病久內熱黃白而腫食少虛極天庭黃赤上焦之熱

慎菴按前人云黃色枯燥而天其症必死此專指

雜症久病者而言。若傷寒溫熱病愈後。因火熱燥陰。燥火發黃色。亦枯濇。治以涼潤。因而得愈者多矣。又未可遽斷。以爲死也。

白色主病吉凶訣

肺王西方屬金。而色白。白爲虛。爲寒。有悲愁不樂。則色白。有脫血。奪氣。脫津液。則色白。

張路玉曰。白而淖澤。肺胃之竟也。肥白而按之綿。裏氣虛有痰也。白而消瘦。爪甲鮮赤。氣虛有火也。白而天然不澤。爪甲色淡。肺胃虛寒也。白而微青。或臂多青脈。氣不能統血也。若兼爪甲絕青。則爲陰。

寒之證矣。白爲氣虛之象。縱有火色發熱。皆爲虛火。斷無實熱之理。

面白少神。手足冷者。虛瀉胃弱。面色青白。寒勝兼虛。服藥漸紅。寒邪漸去而變熱也。面上白點。腹中虫積如蟹爪路。一黃一白。食積何疑。面無血色。又無寒熱。脉見沉弦。將必衄血。至若危候。太陽終者。其色亦白。少陽終者。其色青白。印堂年壽白而光澤。見則爲吉。白而兼黃。相生亦吉。白而兼赤。相尅則凶也。

黑色主病吉凶訣

腎王北方屬水色黑經云腎病面黑如柴究其主病
爲寒爲痛恐懼與憂色亦相同外有水症其色亦
黑胃病顏黑腎非專責瘦人多火面色蒼黑勿泥
寒也冬月面慘傷寒已至紫獨時病已面黑慘帶紫
色者邪氣方甚寒多熱少夜不寐也面色黑滯驚
怕不寐邪氣爲害內服藥劑外可鎮也上證如斯
亦有火壅亦挾虛者合脉與證細爲詳別面色黑
滯服藥漸光病邪已退將欲愈也危惡之候亦須
明白少陰終者其面必黑太陰終者皮毛及面亦
皆焦黑黑色出庭大如拇指不病卒死病人黑色

出於天中下至年上并及額上見則主死。脈經有云病人首部耳目鼻口有黑氣起入於口者爲入門戶其病主死。準頭年壽印堂三處黑色枯天其病主死。心病見黑亦主死也。大抵黑色見面多凶。凶則主死。黃色見而多吉不死。

戴同甫曰按明堂察色入門戶爲凶。所謂門戶者。闕庭肺門戶目肝門戶耳腎門戶口心脾門戶。若有氣色入者皆死。白色見衝眉上肺有病入闕庭。夏死。黃色見鼻者脾有病入口者春死。青色見人中肝有病入目者秋死。黑色見額上者腎有病。

入耳者六日死。赤色見頤者。必有病入口者。冬死。蓋五藏五色各入本藏門戶。至被尅之時爲死期之日也。

脈經云。病人卒腫。其面蒼黑者死。

張路玉曰。蒼黑屬肝與腎。蒼而理粗。筋骨勞勦也。蒼而枯槁。營血之涸也。黑而肥澤。骨髓之克也。黑而瘦削。陰火內戕也。蒼黑爲下焦氣旺。雖犯客寒亦必蘊爲邪熱。絕無虛寒之候也。

鄒丹源曰。凡人病見青黑諸色者多凶。惟黃爲吉。王註云。黃爲胃氣。故而黃者不死。然亦必黃而有神。

乃可。若久病枯黃，寧有生乎？

面目五色雜見生死訣

面黃目青，面黃目赤，面黃目白，面黃目黑，皆不死也。
凡此色，脈之不死者，皆兼面黃。蓋五行於土為本，而胃氣之猶在也，故生。
面青目赤，面赤目白，面青目黑，面黑目白，面赤目青，皆死也。

此脈色之皆死也。以無黃色。若無黃色，則胃氣已竭，故死。

脉經云：病人面青目黃，五日死。又云：病人面黃目青者，九日死。是為亂經。飲酒當風，邪入腎經，膽氣泄，目則為青。雖有夭折，不可復生。

喻嘉言曰。內經舉面目爲望色之要。蓋以爲中央土色。病人面目顯黃色。而不受他色所侵者。則吉。面目無黃色。而惟受他色所侵者。則凶。雖目色之黃。濕深熱熾。要未可論於死生之際也。

慎庵按。脉經二條。與經文相左。豈經文專指暴病者言。抑脉經責在久病。土敗木賊之徵。故主死耶。

婦人女子活法全在望形察色論

張路玉曰。婦女深居閨閣。密護屏幃。不能望見顏色。但須驗其手腕之色。澤蒼白肥瘠已見一斑。至若肌之滑濇。理之疎密。肉之堅軟。筋之粗細。骨之大小。爪之剛柔。指之肥瘦。掌之厚薄。尺之寒熱。及乎

動靜之安危。氣息之微盛。更合之以脈。參之以證。則氣血之虛實。情性之剛柔。形體之勞逸。服食之精粗。病苦之道。順皆了然心目矣。

又曰。肌以徵津液之盛衰。理以徵管衛之強弱。肉以徵胃氣之虛實。筋以徵肝血之充餒。骨以徵腎之勇怯。爪以徵膽液之淳清。指以徵經氣之榮枯。掌以徵臟氣之豐歉。尺以徵表裏之陰陽。

脉鑑云。色與脉。猶須分別。生尅色。脉相尅者。凶。色脉相生者。吉。然猶有要焉。色尅脉者。其死速。脉尅色者。其死遲。色生脉者。其愈速。脉生色者。其愈遲。

察目部

五法云。目者至陰也。五臟精華之所係。熱則昏。暗水足則明。察秋毫如常而瞭然者。邪未傳裏也。若赤若黃。邪已入裏矣。若昏暗不明。邪熱乃在裏。燒灼腎水枯涸。故目無精華。不能朗照。急用大承氣湯下之。蓋寒則目清。未有寒甚而目不見者也。是以目急下。凡開目欲見人者。陽症也。閉目不欲見人者。陰症也。目瞤者。將衄血也。經云。陽氣盛則瞤。目也。陰氣盛則瞤。目也。白睛黃者。將發黃也。至於目反上視。瞪目直視。及眼胞忽然陷下者。爲五臟已絕之症。不治。

慎菴按內經云目內陷者死。喬岳曰肺主眼胞。肺絕則眼胞陷。經之五臟六腑之精氣皆上注於目。而爲之精。目陷爲五藏六腑之精氣皆脫。又何必專指於肺耶。再按閉目不欲見人爲陰。然陽明熱甚。熱邪壅閉。及目赤腫痛羞明。皆閉目不欲見人。是又不可以閉目爲陰也。經云陽明是動。病至則惡人。與火欲獨閉戶牖而處是也。予嘗閱歷二者。皆應臨診之際。必審察脉症。詳辨虛實。庶無遺情。故不拘傷寒雜症。凡見直視上視斜視。眼如盲。眼小。目瞪等候。皆係五臟內敗。陰陽絕竭。而徵於外。

者必死不可輕許以治也。

凡目赤痛必多羞明。此亦有二。熱壅則惡熱。明光能助邪熱。故見明則躁也。血虛膽汁少則不能運精華以敵陽光。故見明則怯也。

目不紅不腫。但沙清昏痛。乃氣分隱伏之火。脾肺絳有濕熱。秋時多有此患。俗謂之稻芒赤。亦目目赤眼通用桑白皮散。玄參丸。瀉肺湯。大黃丸。

靈樞曰。診目痛赤。脈從上下者。太陽病。從下上者。

明病。從外走內者。少陽病。診視也。赤脈赤筋也。

喬岳曰。肝絕則目睛欲睡。

張子和曰。目不因火則不病。白輪變赤。火乘肺也。肉輪赤腫。火乘脾也。黑水神光被翳。火乘肝與腎也。赤脉貫目。火自甚也。

又曰。聖人雖言目得血而能視。然血亦有太過不及也。太過則脉壅塞而發痛。不及則目耗竭而失明。

脉經云。病人肝絕八日死。何以知之。面青但欲伏眠。目視而不見人。泣出如水不止。

王海藏曰。目能遠視。責其無火。不能近視。責其無水。法當補腎。地黃。天冬。山萸。能近視。責其有水。不能

遠視。責其無火。法當補心。人參。茯神。遠志。

又能曉視。不能曉視。日出則明。日入則暗。俗名此難盲。

元陽不足。而胃氣不升也。宜大補而升。舉其陽。當

方只用地膚蒼朮之屬。恐無益也。

凡無故而忽有此三病者。多喪明。不可輕也。

目病有惡毒者。爲瘀血貫眼。初起不過赤腫。漸則紫

脹。白珠皆變成血。黑珠深陷而隱小。此必於初起

時急針內脾迎香。上星太陽諸穴。以開導之內服

宣明丸。分珠丸。通血丸。遲必失明矣。

又有瞳神內不見黑瑩。但見一點鮮紅。或紫濁者。

此爲血貫瞳神不但目不可治恐其人亦不久也
又有白輪自平而青輪忽泛起突出者此木邪鬱
滯隨火脹起也。瀉火必先伐木。

又有白輪連黑珠一齊突出者或凝定不動或漸
出脫落此風毒也。急於迎香上星等處針之失治
必死。然予亦見有兩目俱脫而不死者。

目有無故忽失明此爲氣脫非佳兆也。大劑參芪主
之。然難經云脫陽者見鬼脫陰者目盲。是又未可
專恃參芪也。然又有不同者。丹溪治一男子忽目
盲其脉滿謂有死血在胃因數飲熱酒故也。以蘇

木煎湯調人參膏飲之。二日鼻內兩手掌皆紫黑。此滯血行也。以四物加蘇木桃仁紅花陳皮煎。調人參末數服愈。

又一男子忽目盲不見物。脉緩大四至之上。重按則散而無力。此爲受濕。用白朮爲君。黃芪茯苓陳皮爲臣。稍佐以附子。十餘劑愈。人能察其脉而辨其因斯上工矣。

彙辨云目赤色者其病在心。色淡紅者心經虛熱。白病在肺。青病在肝。黃病在脾。黑病在腎。黃而難名病在胸中。白睛黃淡。脾傷泄痢。黃而且濁。或如烟。

薰濕甚黃疸。黃如橘明則爲熱多。黃兼青紫脈來
必亢。血瘀胸中。眼黑頰赤。乃係熱痰。眼胞上下有
如烟煤。亦爲痰病。眼黑步艱。呻吟不已。痰已入骨。
遍體痠疼。眼黑面黃。四肢痠痺。聚沫風痰。隨在皆
有。目黃大煩。脈大病進。目黃心煩。脈和病愈。目睛
暈黃。眴則未止。目睛黃者。酒疸已成。故先哲云。目睛黃非疸。卽
眴目黃而頭汗將欲發黃。黃白及面。眼胞上下皆覺腫者。指爲
穀疸。心下必脹。明堂眼下青色多。怒精神勞傷不
爾。未睡目無精光。齒黑者。癰毒。血脈貫瞳者。凶。
一脈一歲死。期已終。目間青脈。胆滯掣痛。瞳子高大。

太陽不足病人面目俱等無病眼下青色傷寒挾
陰目正圓者太陽經絕症病不治色青爲痛色黑
爲勞色赤爲風色黃溺難鮮明留飲鮮明者俗名
水汪汪也俱
指白目睛皆鈍不能了了鼻呼不出吸而不入氣
促而冷則爲陰病目睛了了呼吸出入能往能來
息長而熱則爲陽病

素問評熱論云諸有水氣者微腫先見於目下也

靈樞水脹篇云水始起也目窠上微腫如新臥起之
狀

素問平人氣象論曰頸脉動喘疾咳曰水目內微腫

如卧蠶起之狀曰水

目窠目之下胞

脉鑿云青若針橫於目下

青色如針

赤連耳目死須知目

下五色筋疾現。謂腎氣府不差移。

玄珠曰上下瞼腫者脾氣熱也。一日脾之候在瞼。

動則知脾能消化也。脾病則瞼滿嗜卧矣。又曰脾

虛則瞼腫。朱丹溪曰陽明經有風熱則爲爛眼。眦

眦音檢俗呼爲○霍亂大吐瀉後目陷上下兩眦

察鼻部

五法云若傷寒鼻孔乾燥者乃邪熱入於陽明肌肉
之中久之必將衄血也。鼻孔乾燥黑如烟煤者陽

毒熱深也。鼻孔出冷氣滑而黑者。陰毒冷極也。鼻
息鼾睡者。風溫也。鼻塞濁涕者。風熱也。若病中見
鼻煽張爲肺絕不治。一云鼻孔扇張爲肺風。
慎菴按鼻扇有虛實新久之分。不可概爲肺絕也。
若初病卽鼻扇多有邪熱風火壅塞肺氣使然。實
熱居多。若久病鼻扇喘汗是爲肺絕不治。

經絡全書云。其在小兒面部謂之明堂。靈樞經曰。脉
見於氣口。色見於明堂。明堂者鼻也。明堂廣大者
壽。小者殆。况加疾哉。按此語卽相家貴隆準之說。
然須視其面部何如耳。嘗見明堂雖小與面部相

稱者壽可八十不可執一論也。

病人鼻頭明山根亮目眥黃起色。

鼻頭微黑爲有水氣。色見黃者胸上有寒。色白亡

血微赤非時見之者死。鼻頭色黃小便必難。鼻頭

又主胸中有寒。寒則水穀不進。故主小便難也。餘處無恙鼻尖青黃其人

必淋。鼻青腹痛舌冷者死。鼻孔忽仰可決短期。鼻

色枯槁死亡將及。鼻冷連頤十無一生。鼻者屬土

之所出入。肺腎之神機已絕。故枯槁而冷。安能活乎。

喬岳曰肺絕則無涕。鼻孔黑燥肝逆乘之而色青。

鼻塞涕流清者邪未解也。痰清涕清寒未去也。

痰膠鼻塞火之來也

喻嘉言曰。仲景出精微一法。其要在中央鼻準。毋亦以鼻準在天爲鎮星。在地爲中嶽。木金水火四藏病。必歸於中土耶。其謂鼻頭色青。腹中痛苦。冷者死。此一語。獨刊千古。蓋厥陰肝木之青色。挾腎水之寒。感上徵於鼻。下徵於腹。是爲暴病頃之亡陽而死矣。謂設徵赤。非時者死。火之色歸於土。何遽主死。然非其時而有其氣。則火非生土之火。乃尅金之火。又主藏燥而死矣。

赤腫爲熱。青黑爲陰寒。鮮紅爲陰虛火旺。淡白爲虛。

五法云。唇者肌肉之本。脾之華也。故視其唇之色澤。可以知病之淺深。乾而焦者。爲在肌肉。焦而紅者。吉。焦而黑者。凶。唇口俱赤腫者。肌肉熱甚也。唇口俱青黑者。冷極也。

蓋樞曰。脾者主爲衛使之迎糧。視唇舌好惡以知吉凶。故唇上下好者。脾端正。唇偏舉者。脾偏傾。揭唇者。脾高。唇下縱者。脾下。唇堅者。脾堅。唇大而不堅者。脾脆。脾病者。唇黃。脾絕者。唇白而腫。

又曰唇舌者肌肉之本。足太陰氣絕則脉不榮。脉不榮則肌肉輭。肌肉輭則舌萎。人中滿人中滿則唇反。唇反者肉先死。甲乙死木勝土也。

又曰足陽明所生病者口噤唇疹。

又曰陽明氣至則齧唇。

中藏經曰胃中熱則唇黑。唇色紫者胃氣虛寒也。

玄珠曰上下唇皆赤者心熱也。上唇赤下唇白者腎虛而心火不降也。

錢仲陽曰肺主唇。白而澤者吉。白如枯骨者死。唇白當補脾。肺蓋脾者肺之母也。母子皆虛不能相

榮是名曰快。故當補。若深紅色則當散肺虛熱。

脉鑒云久病唇紅定難療。

脉經曰病人唇腫齒焦者死。

又曰病人唇青人中反三日死。

察口部

五法云口燥咽乾者腎熱也。口噤難言者風痙也。若病重見唇口捲環口鰲黑口張氣直或如魚口不能復閉若頭搖不止氣出不返者皆不治也。

中藏經曰小腸實則熱熱則口瘡。

素問曰。膀胱移熱於小腸。腸腸不便。上爲口糜。口生糜爛也。凡病唇口瘡者。邪之出也。凡瘡久環口生瘡者。邪將解而火邪外散也。脉鑑云。五色口邊繞巡死。惡候相侵。命必亡。產母口邊有白色。近期七五日中間。又云。口角白乾。病將至。

察耳部

經云。耳間青脉起者。掣痛。

五法云。耳者腎之竅也。察耳之好惡。知腎之強弱。腎爲人之根本。腎絕者。未有不死者也。故耳輪紅潤。

者生或黃或白或黑或青而枯者死薄而白薄而黑或焦如炭色者皆爲腎敗腎敗者必死也若耳聾若耳中痛皆屬少陽此邪正在半表半裏當和解之若耳聾舌捲唇青此屬足厥陰爲難治也

脉鑑云命門

耳之下

枯黑骨中熱自肺黃脾紫腎殃